



ქობულეთის მუნიციპალიტეტის საკრებულო

გ ა ნ კ ა რ გ უ ლ ე ბ ა N57

2022 წლის 30 სექტემბერი

ქ. ქობულეთი

ქობულეთის მუნიციპალიტეტის მერზე თანხმობის მიცემისა

და საწყისი წლიური საიჯარო საფასურის განსაზღვრის შესახებ

საქართველოს ორგანული კანონის „ადგილობრივი თვითმმართველობის კოდექსის“ 54-ე მუხლის პირველი პუნქტის „დ.დ“ ქვეპუნქტისა და 24-ე მუხლის პირველი პუნქტის „ე.გ.“ ქვეპუნქტის შესაბამისად:

1. მიეცეს თანხმობა ქობულეთის მუნიციპალიტეტის მერს (ლ.ზოიძე) შპს „მაგთიკომისათვის“ (ს/კ 204876606) საიჯარო ხელშეკრულების მოქმედების ვადის 1 (ერთი) წლის ვადით გაგრძელებაზე იჯარის ფორმით სარგებლობაში გადაცემულ ქობულეთის მუნიციპალიტეტის საკუთრებაში არსებულ ქონებაზე, კერძოდ ხაზოვანი ნაგებობის გარე განათების ბოძებზე ოპტიკურ-ბოჭკოვანი კაბელის რადიუსზე (წერტილი), განთავსებულ ოპტიკურ-ბოჭკოვანი კაბელის თაობაზე;

2. ქობულეთის მუნიციპალიტეტის საკუთრებაში არსებული ქონების, კერძოდ ერთი ერთული ხაზოვანი ნაგებობის გარე განათების ბოძებზე ოპტიკურ-ბოჭკოვანი კაბელის განთავსების რადიუსის (წერტილი) გამოყენებისათვის, წლიური საწყისი საიჯარო საფასური განისაზღვროს 0,50 ლარის ოდენობით;

3. კონტროლი განკარგულების შესრულებაზე დაევალოს ქობულეთის მუნიციპალიტეტის საკრებულოს ინფრასტრუქტურის, სივრცით-ტერიტორიული დაგეგმარების, ქონების მართვისა და აგრარულ საკითხთა კომისიის თავმჯდომარეს (ლ.ხახუტაიშვილი);

4. განკარგულება შეიძლება გასაჩივრდეს ერთი თვის ვადაში ბათუმის საქალაქო სასამართლოში (მის: ქ. ბათუმი, ზუბალაშვილის ქ. №30);

5. განკარგულება ძალაშია ხელმოწერისთანავე.

საკრებულოს თავმჯდომარე



დ. მჭედლიშვილი